



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tuba Tragica, Seu Historiæ Horroris Plenæ Dominicis Per
Annum Concionatorio ritu aptatæ, Quibus ad oculum
ostenditur, quàm acribus pœnis flagitia proscindat
scelerum Ultor Deus**

Selhamer, Christoph

Norinbergæ, Anno Gratiaë M.DC.XCIX.

Concio XXXVIII. Præsentatio B. V. Templi Encænia.

[urn:nbn:de:hbz:466:1-52721](https://nbn-resolving.org/urn:nbn:de:hbz:466:1-52721)

CONCIO XXXVIII.

Festum Præsentationis B. M. V.

Beatus Venter, qui te portavit! Luc. 11.

Templi Encænia.



A.
Agitur ho-
die Templi
Dedicatio,
& non est,
qui recogni-
tet.

Uid hoc rei AA. agitur hodie annua Templi nostri Dedicatio, & nullum uspiam signum prostat tantæ solennitatis? foris nullum ex alta turri vexillum propendet. In-
trorsum pedem exporrige, nullum in choro vestigium
apparet. Silent tubæ, tacent tympana, toties ad fescen-
ninos saltus, ad meretricias choreas & decumanos sanitatis haultus
per immane sacrilegium ab aris in haras abstracta; cum enim Sacris
tantum Divinæque cultui sint dicata & magnis sumptibus uni Deo ac
Divinis sint coëmpta, è templis ad foetentes lupambulorum lucos non-
nisi per immane sacrilegium & sacrilegum Sacrorum abufum transpor-
tantur. Quâ conscientia? templorum viderint Curiones. *Sic vos
non vobis vellea fertis oves.* Hæc divinissimi cultus instrumenta per
Antiochum aliquem immanibus ausis adulterari, nemini mirum vi-
deatur; gentilis erat, Divorum expilator, Sacris omnibus infensus &
infestus tyrannus; at similia per Catholicos tentari, intolerabile fue-
rit, & nonnisi centum fulminibus proscindi dignum scelus. Aræ ni-
hil uspiam splendoris præ se ferunt; nulla promicant antipendia ac-
phrygia sumptuosè elaborata; nullis peristromatis subsellia rutilant;
nullum prostat tripertitale vexillum, quod num invidia retundat,
aut sordida sacrorum injuria umbris recondat, Superi rescient, & suo
tempore utrumque probrum probè ulciscuntur. Ipsi etiam parietes
nullis splendent candelis. Video candelabra numero tantum qua-
terna, sed cæca & propria luce sua undique viduata; an altera duo sua
cum luce stuba extinxit & dilapidavit? Nullos video togatos aris as-
sistere; nullos video facigeros chorum illustrare. Nempe, quod unus
ædificat, destruit alter. *Sic vos non vobis mella paratis apes.* Verbo:
sequi-

squalore obsita jacent omnia. Ex levidensi apparatu ne quidem festus dies eruitur, ut taceam, encænia celebrari. Interim Templi Dedicatio agitur hac festa luce; at verò cujus Templi?

Nolim ultrà meos AA. suspendere; Templi Mariani hodie solennis Dedicatio totani per Ecclesiam celebratur; quid enim aliud est Præsentatio Virginis Deo facta, quam trimulæ Virginis ad obsequia divina palàm facta Dedicatio? Nil tritius est apud PP. quàm ut Deipara veluti splendidum aliquod Templum ac Dei regia Basilica prædicetur. Rup. Tuitiensis certè (1) his eam verbis salutât: *Ave Templum Deitatis! Ave Regia Sanctitatis, in qua Deus habitat corporaliter!* Hòc Templi titulò alii pœnè omnes intemeratam Dei Parentem condecorant. Audiamus obiter nonnullos. S. Cyprian. (2) hanc Augustissimam Virginem *Templum* vocat à Spiritu Sancto consecratum. D. Gregor. Thavmat. (3) *Templum Dei animatum*. S. Andreas (4) Cretenensis. *Templum novum, quod sibi Deus Artifex admirabili modo compegit*. S. Hildephonfus (5) *Templum cælo majus*. S. Joannes (6) Damascenus, *Templum Dei Sanctissimum, quod pacis princeps Salomon extruxit & habitavit, non aurò & inanimis lapidibus ornatum, sed auri locò Spiritu fulgens, pro lapidibus pretiosis margaritam ingentis pretii Christum comprehendens*. S. Bonavent. (7) *Templum SSS. Trinitatis*. S. Thom. Aquinas (8) *Templum septem columnis ceu rarissimis virtutibus instructum, quod sibi edificavit Sapientia Divina; Templum Gratia, ad quod cum si ducit adeundum, ut misericordiam inveniamus in tempore opportuno*. *Templum, in quo omnes orationes que funduntur, exaudiuntur. Templum undiq; privilegiatum, ut omnes rei & malefactores, qui eò currunt, salventur, prout patet in Theophilo & aliis propè innumeris*. Pientissimus una & doctissimus Idiota (9) *Templum aureum Salomonis, de quo Deus: oculi mei semper erunt aperti & aures meæ rectæ ad orationem ejus, qui hoc in loco oraverit, Elegi & sanctificavi tibi locum istum; quidquid enim à Filio suo Deipara flagitat, facile impetrat*. Bernardinus de Bustis (10) *Templum Dei pulcherrimum, ad quod confugientes, sunt à demonibus securi, nec violenter ad tartarum trahi possunt*.

Si ergò, prout hucusque vidimus, *Templum Dei* est Deipara, hodie certè cum à parentibus ex voto anteriùs concepto, trimulæ Deo in Templo ejus divino cultui consecraretur, solenni ritu Dei dicatum est præfens Templum. Aderant huic actui, si quidem Isidoro fidem integram adstruimus, (11) factò agmine plurimæ puellæ, faces accensas manibus gestantes, viri primarij Jerosolimitæ ac mulieres cum ce-

B.
Ipsa in
Templo
præsentata
Virgo tem-
plum est.
(1) Rup.
Tuit. in
Cant.
(2) S. Cyr.
Sermon. de
Nativ. Chrî-
sti.
(3) S. Greg.
Thav. Ser-
mon. 3. de
Annunt.
(4) S. Andr.
Cret. Orat.
de Annunt.
(5) S. Hild.
Serm. 3. de
Nar.
(6) S. Joan.
Dam. orat.
1. de Nar.
B. V.
(7) S. Bo-
nav. in Pf.
(8) S. Tho.
Serm. in
Purif. B. V.
(9) Idiot.
p. 16. Con-
templat.
l. 7. de B. V.
(10) Bern.
Bust. Ser-
mon. 6. de
Nom. B. V.
(11) Isid.
Thesalon.
Orat. de
Festis

reis accensis; lata palam Virginis trimulæ accinentes, ipsis etiam angelis suavi musica totum hunc sollemnissimum Oblationis actum celebrantibus phonascis. Sic hodie nemini mirum videatur aut paradoxum, si dicatur cum Germano Constantinopol. Patriarcha (12) verum esse hac festa luce in templo inanimato Templum animatum, præsentatum simul & Divino cultui consecratum. Hinc jure cum Evangelica muliere vocem extollamus, & tantæ Virginis parentibus summam Templi hujus animati dignitatem aggratulemur, cujus hodie solennis Dedicatio Jerosolimis celebrata est: *Beatus venter qui portavit Sc.* Templi hujus encania & nos celebremus, quantum quidem properanter à nobis possunt celebrari. Ego ut Templi hujus Mariani annua encania dignis laudibus deprædicem, jam nunc Templi hujus simul Ecclesiasten ago & Ædituum. Quæ Ecclesiastes, voce uenora Templi nostri splendorem pro viribus extollam, quæ verò Æditus juxta receptissimum Ecclesiæ morem luminaria numero duodecim tanquam publicæ Dedicacionis insignia, ordine accendam singula ut vel ex obliquo vel ex alieno lumine præfens Templum ritè illustraretur.

(12) Germ. Constant. Patr. Orat. de Fest. C. Hujus Templi Deo hodie consecrati festivitas exponitur.

D.

Accenduntur hujus Dedicacioni pro more 12. Cerei. (13) Idiot. l. contemp. plat. B. V. 9. 5. (14) S. Ephr. Serm. de laud. B. V. (15) S. Bonav. super Salve Reg. (16) S. Ign. Epist. 1. & 2. (17) Canis. l. 5. de B. V. c. 12. (18) Alan. in Apolog. pro Rosa. rio c. 15.

Representant hi duodecim Cerei in singulis Ecclesiis duodecim Apostolos, fidei nostræ primos post Deum Authores & incentores qui sicut Deum eumque Crucifixum cultu latriæ adorandum toto terrarum orbe proclamârunt, ita pariter Mariano hyperdulie cultui illique ampliando ardentissimè insudârunt. Dicam adeò quid universim omnes Apostoli hunc in finem collaborârint, inde quid singulim post Christi in cœlos Ascensum, ac Spiritus sancti adventum in varios orbis provincias dispersi Apostoli, non tantum Christo proclamando & divulgando impensè vacârint, sed etiam Mariano cultui omnium pectoribus inferendo. Sic doctissimus Idiota (13) perhibet: *Per Apostolorum prædicationem in omnem terram exivit sonus Dei. Nominis ó Deipara.* Hinc à S. Ephrem (14) *Apostolorum prædicationem dicitur Deipara,* & à Bonavent. (15) *Apostolorum omnium sonus ra law.* Hæc ipsa etiam causa extitit, cur tot exteris cupido insectis ret Virginem prodigiosam videndi, & ideò Jerosolimas magnis furoribus contenderent, ut propriis spectarent Virginem tot honorum tibus concelebratam, Ignatio (16) teste. Multas secum in omnes terrarum partes icunculas deferebant Apostoli, ut vel sic plurimum vocis satisfacerent, & fidelium cultum in Deiparam augerent Canisio (17) teste. Juxta mentem ac sententiam Alani (18) etiam Angelice Substantiæ

tationis elogia sæpius ab Apostolis summa cum reverentia palam sunt recitata. Suarezium si sequamur (19) ipsis ab Apostolis ortum traxit festum Assumpt. Deiparæ. Wichmanum si audias (20) sua pariter primordia ab Apostolis trahit Sabbathum Marianum. Ei certè puris ex amoribus morienti omnes aderant Apostoli, Dormitionem illius honorificis titulis exornantes, teste Dionysio eoque oculato. Corpus virginæ radiosissima luce coruscum, & suavissimos spirans odores omnes palam sunt venerati, ex tactu sanctificatione & benedictione oppleti, ut loqui placet (21) Damasceno. Corpus Angelico simul & Apostolico concentu tumulatum est, accensæ faces, sparsi flores, & unguenta, cantica & hymni in Deiparæ laudem sine fine sine numero effusi sunt. Elogia Divæ Virgini per Apostolos cantata in unum collegit Andreas (22) Cretensis. Hac in genere de Apostolis dicta sunt.

Nunc propius singulorum ardentis Cereos suspicimus, quorum primum sibi vendicat S. Petrus Princeps Apostolorum. Hic sicut inter Apostolos primatum obtinuit, ita pariter aliis omnibus in ampliendo Deiparæ cultu primò poni locò meretur. Decuit omninò, ut qui à Deo per Deiparam maximi nominis gratiam accepit, pro gratia gratias redderet omnium maximas & perennes. Debuit singulari quodam pietatis æstu in Deiparam propendere, cum probè sciret Petrus, se precibus & suffragiis Deiparæ è profundissimo trinæ negationis barathro ereptum esse, ut autor est Greg. Nazian. (23) in tragœdia sua Dom. Passionis, ubi alnia Dei Parens sic Filium suum pro venia Petro danda affatur:

*O bare Nate! O Nate mi! O Verbum Dei!
Peccare cum sit insitum homini, ignoscito!
Quod Petrus in te admisit, id fecit metu:
Turbe irruentis & frementis turbidus.*

F.
I. Cereus est S. Petri.

Qui statim hunc in sensam Filius respondit:

*Jubeo: nihil sis anxia ô Virgo Parens!
Condo Petro, quidquid est lapsus, tuâ.
Unius hodie gratiâ; nam antè & tibi
Es me obsequentem experta semper filium &c. Sic Greg.*

R r

Ut

Ut ergò Petrus grati animi specimen præberet, & Deiparæ cultum ampliare, memoriam ejus S. Missæ Officio inseruit, ut patet ex eia Liturg. tom. 1. Bibl. PP. Extra Sacrificium etiam Salutationem Anglicam, orationis forma instructam toti orbi Christiano primus omnium colendam dicitur proposuisse. His non contentus Petrus contendit Antiochiæ à D. Luca & aliis pictoribus plurimas B. V. imagines depingi, ut hõc medio cultus Deiparæ in omnium fidelium oculis & animis firmaretur. Ex Petri sacrificantis manibus Deiparam jampridem morituram SS. Viaticum accepisse, refert Hippolitus (24) Maracensis. Hunc Deiparæ cultum à D. Petro hauserunt omnes ejus discipuli, quaquaversum ad fidem disseminandam dimissi; Marcus & Maternus Marianus & alii.

Secundum Candelabrum D. Joanni Apostolo & Evangelistæ proprium est, cui scimus è Cruce à Magistro Matrem Dei commissam esse. Audiatur hanc in rem splendide perorans (25) Villanova: *Fecit Christus in Cruce moriturus, testamentum suum, Patri Spiritum suum, Ecclesie Corpus, peccatoribus Sanguinem, latroni Regnum, militibus Vestes, Apostolis Paracletum, Petro Ecclesiam, Joanni Matrem suam commisit. Ecce mater tua, ecce filius tuus!* Ita Christus cordi Virgineo Amorem maternum in Joannem, Apostoli verò visceribus filialem in Virginem reverentiam inseruit. Ex alloquio, familiaritate, & magisterio tantæ Virginis tantoperè profecit Joannes, ut sicut Aquila omnes alias aves superat volando, ita Joannes omnes alios vinceret evangelizando. hic ut in Matrem suam mutuos affectus refunderet, toto vitæ curriculum fidelissimum Virginis Oeconomum egit, non tam victus quam victor sedulum provisorum, revelatumque fuit S. Gertrudi (26) B. V. specialem gloriam in cœlis nactam esse ex obsequiis S. Joannis; quod enim omnia victui providente, liberius poterat divinis incumbere Deipara. Ut cœlis illata est, eam mox scriptis extulit, ejusque laudem totum per orbem diffeminavit, primus omnium Mariani elogii prætor qui etiam calamò Deiparam celebraret.

Tertius Cereus D. Andream spectat, qui suum specialem in Deiparam affectum distinctè explicuit, cum in Apostolico Symbolo per eam enuntiaret: *Qui conceptus est de Spir. S. natus ex Maria Virgine*, sic cum Maternitatem Deiparæ ac Virginitatem ejus palam professus Virginem extulit, unà per duplicem hanc omnium charismatum rationem, omnes gratias hinc profluas expressit. Cum porrò jam mortis glori-

H. III. Est S. Andree.

riofissimæ proximus esset Martyr, è Crucis cathedra pro Immac. Virg. Concept. palam peroravit his verbis ut perhibet (26) Abdias: Sicut (26) Abdias primus Adam ex terra formatus est immaculatus, ita etiam Christus ex Virgine prodiit immaculata. Hunc sensum ut omnium animis seriò inculcaret, idem ex alto reiterare auditus est: Sicut primus Adam formatus est ex terra antequam esset maledicta, ita & secundus Adam ex terra Virgine prodiit nunquam maledicta, ergò semper pro omni temporis momento, signo & instanti undique immaculata.

Quartus Cereus inscribitur Jacobo Hispaniarum Apostolo; hic I. Mariam amoris & cultus singulare specimen exhibuit, cum Cæsa- IV. Est S. raugustæ in Hispania primam totius mundi Ecclesiam Virginis Matris Jac. Major. adhuc vivæ honori & nomini propriis manibus dedicaret, quæ ad usque finem mundi statura dicitur ex oraculo Mariano. Cæsaraugustæ primum Immac. Concept. festum instituit Jacobus, & post gloriosissimam vitam martyriò coronatam Archidonæ in Hispania equò vectus candidò, iconem Deiparæ Sacerdoti colendam veluti scutum contra Mauros in manus tradidit, quæ hanc in horam una tantum vice per annum publico hominum affluxui spectanda proponitur, grandibus miraculorum portentis stupenda, ut Atlas meminit Marianus.

Quintus Cereus est Thomisticus. Quàm splendido cultu & ob- K. servantia in Virginem Matrem Indiarum Apostolus Thomas arderet, V. Est S. perspicuum fecit cum ex India Jerosolymas redux Virginij assisteret Thomæ. morienti, & jam Deo immortalæ panegyricam diceret Orationem, cuius initium hausit ex Psalm. (27) *abyssus abyssum invocat. Quis*, (17) Pl. 41. inquiebat ille, *tanta Virgine dignas promat laudes, ubi abyssus datur miraculorum, abyssus gratiarum, abyssus pietatis & misericordie, abyssus bonitatis & clementie, abyssus inexhausta divinorum charismatum, cuius profunditatem solus Deus metiatur. In hanc abyssum se tota mergat Christianitas, ut ab omni dæmonum ac tribulationum violentia liberetur & salvetur.* Digressus inde ad Immac. Virg. Concept. palam asseruit, ipsam nec per momentum Dei sui inimicam sed ei semper amicam & gratiosissimam fuisse, nullum ex filiis Adæ fuisse, quem non aliquando pro inimico Deus habuerit præter Deiparam, ubi ne quidem vellet nominari culpam. Ex his abundè patet, quantis amoribus in cultum Marianum per Indias ampliandum Thomas ageretur.

Sextus Cereus alterum tangit Jacobum vulgò minorem, qui ut L. suæ in Deiparam observantiæ vivax daret paradigma, liturgiæ suæ VI. Est S. Rr 2 splen- Jac. Minor.

splendidam Deiparæ commemorationem inseruit his verbis ex PP. Biblioth. depromptis. *Commemorationem agamus Sanctissime & immaculate Matris Dei, cujus precibus misericordiam consequamur. Ave Maria gratia plena Dominus tecum, quem Animarum nostrarum Salvatorem peperisti. Dignum est, ut te verè beatam predicemus, honorabiliores quàm Cherubim, gloriosiores quàm Seraphim. Tibi o gratia plena omnes stant viunt creature, tibi omnes Angelorum cœtus applaudunt & bonitatem agnoscunt. Te veluti Templum Sanctitatis & Spiritualem paradysum tota colit Ecclesia. Nos pariter ad templum sanctum gloriæ tuæ sublima, tuos respice Misericordie Mater, Virginum gloria, ex qua Deus carnem assumpsit, factus puer, qui est ante secula. Cœlis amplior Virgo calos refert! Sunt hæc verba in laudem Virginis effusa, certe nullo alio quàm apostolico ex spiritu deprompta, quæ Marianam majestatem supra modum extollunt.*

M. Septimus Cereus totus est Philippi, qui sua pariter panagryca oratione Solem Marianum jamjam occidentem ita exornabat, ut tamen diserte probaret, non esse, qui se à caloribus ejus abscondat. lucem suam in obvios dispensare, omnibus misericordie sinum aperire; provocat cum Bernardo, tot seculis posthimo Patre totum hoc universum, ut qui suis in necessitatibus sit à Matre Dei destitutus, in apricam lucem se conferat, omnibus argumentis maectandus.

N. Octavus Cereus Bartholomæum designat. Quantus hic cultus fuerit nominis Mariani, assidua Sancti hujus oratio manifestum reddet. Ajunt hunc Apostolum centies interdum & toties noctu Angelicam Salutationem recitasse, adeoque juxta B. Alanum (28) Rosari Apol. pro Deiparæ recitandi prima principia posuisse. Author præterea fuit Rosar. c. 8. Apostolus iste toti Christianitati, ut per publicum Deiparæ cultum suis à laribus pestem Mariani cultores propulsarent, pharmacò presentissimò per schedam cœlitus allatam contra pestem Montalibus impertitò, cui schedæ notoria illa *de Stella cœli* inscripta fuit Antiphona. Ubique prostat, eoque ex quotidiana & publica decantatione ita saltem hic Salisburgi nota est, ut eam quoque pueri calleant abecedarii. Sic nempe in cultum exarsit Marianum Bartholomæus ut cœlo deflueret, & Mariæ cultum propellenda peste fidei nostræ domesticis commendaret; cui tamen ignota est Antiphona, repetita eam in Tub. Trag. germanicè reddita.

Nonus Cereus D. Matthæi aureum Nomen ostentat, ut manifestum reddat, summis ei in votis fuisse gloriæ Marianæ augmentum. IX. EA S. Paucis omnia ut comprehenderet, & nucem iliade concluderet, quid de B. Virgine dici vel intelligi potest, paucis illis vocibus in totius rei summam redegit, *de qua natus est JESVS qui vocatur Christus*, in hoc Divum Andream ardentem æmulatus est, à Maternitate Dei ceu omnium gratiarum primo principio lineam duxit ad omnes alias prædicabiles gratias Deiparæ cœlitus affusas. Has voculas D. Thomas Valentinus sic explicuit (29) ut palàm ostenderet, omnia decora in hoc Maternitatis principio cogi & terminari; *Quid amplius ait ille, in Virgine requiras? Sufficiat tibi, quod Mater Dei est; quæ enim gratia quæ gloria non congruit Matri Dei? nil illi gratiæ ac perfectionis deficit, quam animus in pura creatura concipere potest, ubi ergò totum fuit, pars scribi non debuit, ne crederes, quod scriptum est, ei defecisse &c.* Quidquid ergò de Virgine Matre vel scire cupis vel intelligere gestis, id totum hoc uno clauditur breviloquio, *de qua natus est JESVS qui vocatur Christus*. Sic Evangelicam Matthæi breviloquentiam Thomas explicuit, ut plus ultra desiderari haud possit.

Tres ultimi Cerei residuos Apostolos concernunt. Liceat mihi hanc Apostolorum triadem unà proponere, qui eximios Deiparæ encomiastas in Oratione publica de Virginis laudibus Jerosolimis habitæ egerunt. Simon, Deiparæ post Christum gloriæ proximum locum aggratulatus hortari cepit omnes, ut Dei ac Matris ejus vestigia in puritate cordis sectantes sursum corda extollerent ad Dei gloriæ Deiparæ tam largè communicatam. Pariter omnes in Domino hortari sunt auditi Thadæus & Matthias, ut Deum glorificarent, qui tantis cœlestium charismatum donis Matrem suam condecoravit, ut ea nec lingua possit angelica explicare. Datum sit eminens gloriæ Virgini Matri affusam arbitrari, centies cum Paulo exclametur (29) *nec oculis vidit nec auris audivit*, quæ & quanta gloriæ suæ prodigia Matri suæ Filius Deus preparaverit. Qui plura de Mariano Apostolorum affectu nôsse desiderat vel Maraccium consulat in Apost. Mar. vel Amadæum in Apocal.

En ergò ardentes Apostolorum Cereos numerò duodenos Templo Mariano, cujus hodie facta Consecratio celebratur, palàm accensos. Id unum restat modò, ut verbis Psalmistæ (30) ad præsens festum ritè concelebrandum singulos invidemus: *Accedite & illuminamini!* en Deum

Rr 3

O.

IX. EA S.
Matthæi.(29) S. Th.
Valenc.
Serm. 1.
de Nativ.
B. V.

P.

3. Ultimi
sunt S. Sim.
S. Jud. Thadæus & S.
Matthæi.(29) I. Cor.
2.

(30) Ps. 33.

Deum

Deum ac Deiparam Cerei ardent Apostolici ! accedite fidei nostrae domestici & lumen de lumine reaccendite, ut proscripito omni algere pares in laudes Deiparae concinnendas cum Apostolis effusi, Deo ac Deiparae gratiosa in terris obsequia deferatis, in caelis olim uberrimis gloriae fertis coronanda. Sed & vos accedite, & à tot cereis Deiparae per Apostolos accensis unicum caloris radium haurite, qui coelitus illustrati vestros in fide gravissimos errores haeretici anathematizetis, inde Deo & Ecclesiae reconciliati Apostolica Virgini Mariæ elogia pangatis, à quibus haecenus Augustissima Deiparens præter horrida scommata & convitiorum retulit portenta. Ardentes cereos hanc in horam obstinatè si contemnitis, cavete saltem, ne, si malignari pergitis, & oris vestri cacochymiam in gloriosissimam Dei Matrem eructetis, repentinam ex alto vindictam incuratis, quam tot alii haecenus perditæ Mariæ mastiges suis pro meritis reportabant. Longanimis & misericors Deus est, neque tamen vel se vel Matrem suam toties patitur irrideri; laneo pede calumniatores insequitur, & quâ horâ minimè putant, spurios christificos perdit, destruit, proscindit, & in patentem Orcum detrudit, cremandos sempiternis, qui honoris & amoris cereos Matri Virgini in vivis accendere detrectant. Retrò ad secula pridem lapsa vel etiam ad proximos unius seculi annos, oculos vestros revolvite, grandibus ubiq; poenæ oculos irruent in Mariæ mastiges justò Dei judicis decretæ. Do octonos, quos in flagranti corripuit divina Nemesis.

Arrius Presbyter haeresiarcha Deiparae partheniam Maternitatis primam omnium gratiarum radicem stygiis dentibus arrodit poenæ dysenteria Constantinopoli correptus, intestina profundit, libris ex Constantini ex imperio publico in foro per carnificis manum extorsis, quibus grandi numero calumnias inseruit in Deiparam depermatas.

Nestorius Presbyter Antiochenus, inde præsul & patriarcha Constantinopolitanus hostile bellum Deiparae indicit, palam ausus effutire, ut Deus ab homine gigneretur, nullis viribus ac modis fieri potuisse. In poenam blasphemiae ab Ephesina Synodo tanquam pertinax haereticus patriarchali dignitate sua spoliatur, à Cæsare Theodosio in exilium agitur, ubi blasphemiam ejus linguam à verbibus corrosam, corpus ipsum, tantam impietatis organum à dehiscente terra absorptum, anima verò ad Orcum detrusa est, (31) Canisio teste.

(31) Canisio de Deiparae l. 3. c. 18.

Q. Hinc radium hauriant haeretici Mariæ mastiges ac desinant tandem Mariam criminari tanquam per Apostolos eultam.

R. Grandibus poenis hæc stetit criminatio.

Constantinus Copronymus sic dictus Imperator, quod baptizandus sacrum fontem omine pessimo fædâset, impius, maledictus & blasphemus in Deiparam, quam bursæ comparabat tamdiu pretiosæ, dum aurum sinu suo reconderet, hâc extracto, omnium contemptui marsupium patere, fassus est, fato proximus turbulento, se ob Deiparam igni traditum esse inextinguibili; *Baronio* (32) teste.

(32) *Baron.*
ad An. 767.
S.

Scotus ille miles in Handitoviensem Deiparam miraculis claram multa spargit convitia, prædans interim anathemata Virgini appensa; cum verò spoliis dives reditum properaret, decidit repente è templi tholo procera & magni ponderis Crucifixi effigies, quâ utique miraculoso casu prædo sacrilegus obteritur & mactatur.

Novem
exemplis
probatur.
Hist.

Alter ille Abredonia in Scôtia, hæresi calvinistica infectus lurco ad miraculosum Deiparæ fontem confidet, & in Virginis Matris despectum protervis ausibus alvum exonerat, mox verò canina fame ac rabie correptus animam vomit, & cum Arrio & Juda ima fundit viscera, prout *Atlas* (33) perhibet.

(33) *Acl.*
Mar. f. 778.

Dive Virginis Lucensis in Italia criminator & illusor vivus à terra sorbetur, prout idem *Atlas* (34) testatur. *Ædem Nolanam præcax* femina transit & pede cespitans humi ruit; mox ergò in prodigiosam B. V. statuam, quæ ibi religiosè colitur, diras evomens Xantippe, pedem dextrum corpore avulsam perdit; necdum damnò suo correctâ, etiam post annum eodem die perdit sinistrum impia criminatrix *Spinello* (35) teste.

(34) *Idem*
f. 190.

(35) *Spin.*
in *Chron.*
Deip.

Tonat, fulminat æstuans cœlum; incidunt in tempestatem duo Socieni, & cum nullus effugio locus esset alter suam salutem juxta fidei catholicæ regulam Deo ac Deiparæ commendat facta itentidem ad fulgura cruce, alter hæreticæ pravitatis assecla comilitonem muscarium ob sæpius formatam crucem irridet; mox sanus ille & incolumis domum repetit, hic verò fulmine è nubibus deciduo exanimatus contumeliæ suæ in Deiparam & Crucem Domini jactatæ dat poenas Justitiæ fulminanti, prout memorat (36) *Alanus*.

(36) *Alan.*
Cop. dial.
3. c. 29.

*Discite justitiam moniti, neq; temnite Matrem,
Quæ peperit pura Virginitate Deum!*
Amen.

CON-